

Titus

¹ Paulo, na Anutu wane qelit nei so Yesu Kristo wane Aposolo, na matok nange paki, biranangi sarikole, yemo Anutuŋo nei nrep magukoune matok onge, yewa enane mali malip qesinkawe ma togolekei wane, so iwen onbe don wele Anutu wane numa don eaŋo kito ebonge, yewa wane kine detlukkei.

² Ea wane kutno simileŋo gege togon waraŋkaki sariake, Anutu ene isiine midaineŋo mokaka naso qei bano kiek kiekino, gege iwa ea biŋek qe nrebonge.

³ Eso nasoine motke, yewao enine don kisi yewa ra qelanange, donine yewa ea nanane kutno motke, eso noŋo Anutu ma mena menanze, enane anaine teweke more, don kisiine yewa ra qelanambe sua arimaikē.

⁴ Titus na kibi qe ginmaile, ge giponne welekatne, nre mali malipse weku pamaikē.

Anutu Magak so Kristo Yesu erane mena menanŋo wet menan so peam maine giniake.

Titusŋo Krete Siao Urata Make

⁵ Na Krete siao bira gangole gemaine, yemo urata natne mi mamaine, pamaikē yewa mauluke more, numaino mot warekenane, so matko matko doku tau tau magu enane ware ware biraone arikenane biragane sarikole. Nanane don numa golale sikan gangole, ea mo detluk waremaine.

⁶ Ware ware bira kaikene, ɲei yewa eɲe so-tine midaine, eɲe ɲanomine weku, so dokoine eɲe mali malip korop, so wetneɲo zuba wet mi mageake, me aɲa bira wiraine midaine, yaline biraonikene.

⁷ Eɲe Anutu wane urata wareka okanmaike, doku tau tau magu, yewa eɲane ware ware yewa eɲe sotine midaine. Eɲe wawaine misuk okaniake, me sot osi osi misuk okaniake, me doku togole zok misuk ne geke, me kawali misuk geake, me wesi aboɲ wane bailalaɲ misuk okaniake.

⁸ Eɲe ɲei mat maneo ɲine sariu kima ebu more mauluk oniake, so eɲe tanik manik maine ea wane simile kayake. Eɲe dereret mayakatne yewaka mogasiake, eɲe gegeine koboboine geki paki, Anutu wane tanik manik yewa mogare ariake, so eɲe wetinane sawe geake.

⁹ Eɲe Anutu wane miti don kito manbi paki, numaine ma togole mangoi, yewa togogole malipka okorayake. Numa yaleoken okangi paki, eɲe maine eweke more ɲei natne don wele yewaɲo wetene ma togoleake. Paki ɲei natne don wele ge ɲabaka okanmami, eɲane sotene yalewaka sikan ongi kau ebu kesiake.

Krete Siao Isi ɲei Loutne Gekoi

¹⁰ Yewao, ɲei loutne eɲe ɲabaine okanbi paki, ɲei natne don wele midaine rara so isienelop gemami, so Yuda ɲei natne wetneɲ eɲano ɲine doku taukoi, edo yale okanmami.

¹¹ ɲei yaline eɲane aɲaene ma wonge more donene ma walukkene, onoka wane, ɲei yaline eɲe wesi aboɲ maikei wane rau paki, masi tanik

gamuinerop mi oka okane, yewa okane more, ñei korop enjene so rem qiekopene matali one more kito ebonmami.

¹² Krete ñei enjeno ñine propet, ñei wet dereret suaine mane, oño iwa yale rake, “Krete ñei eje isiene matkine, osom zubaine borikine, so eje ñara ñat qeçe neu paki, taboñ gege.”

¹³ Eso eje don yewa rake yemo wele, kine yalinane ge don togoleka edane ra wetonikene, pakiso, eje mali malipene libeka maine ma gekei.

¹⁴ Paki eje Yuda ñei enjane don kine kine wele midaine, yewa kiroine misuk malipka gekei, so ñei natne kepe iwa wane ramatok don mogare gemami, eje miti don wele ñadek kakoi, enjane Yuda wane ra matok don yewa misuk desikei.

¹⁵ Ñei kotoene libeka gemami, enjano kine kine korop libeka ñoka pamaike, ño borikineño maki kotoene sigileke so mali malipene midaine okangoi, enjano kine kine mane libekaka mi pamaike, onoka wane, enjane dereretene so kotoene mo korop sigilewareke, ea wane.

¹⁶ Eje pieneño raikei, “Ñene Anutu wane kine detmaine,” yale ra okane mamaeneño yemo bisop onmaike, eje mado madoñine so don qeçe, eje urata kine kine maine, yewa mane mama wane rokop midakaka.

2

Ñei Ñerep Suaine Enjane Don

¹ No goño yemo koboboine gege, yewano doku tau tau magu wele, ea wane don edane kito ebonikene.

² Edannom, nei suaine eje doku togole mi nene, ea wane sawe titinerop gekei, so dereretene warekau, mayakatneka payake. Eje mali malipene payake, ea wane rokopko wet maep korop gekei paki, umat kine kine wakongi, eje mi pelekei, eje togogle okorakei.

³ Rokop yalewaka edannom, n̄erep suaine eje n̄erep wele gegeene koboboine gekei, paki eje kisi qequeene midaine gekei, me doku togole wain̄ misuk ne gekei, so ea wane qelit qeque okanikei, eje nei n̄erep natne natne kine kine maine yewaka kito edanikei.

⁴ Edane more n̄erep sikanonbi, eje n̄aoekopene so medewekopene wet maep okanonikei.

⁵ Eje wet dereretene warekau mayakatneka paki, gegeene libeka payake, so eje matene ma saatke warekau mayakatneka paki, n̄aokopene so medewekopene kito qesin̄ ebuwi paki, n̄aokopene aṅaene tewekkei, yale okanbi, nei eje Anutu wane don mi qikkaikei.

Nei Qaluwit Eṅane Don

⁶ Rokop yalewaka nei qebin onnom, eje dereretene masuluke warekaikei.

⁷ Paki, ge goṅom tanik manik kine kine korop mayakatneka okan warekene, nei eje kau paki, yewaka mogare okanikei, Miti don mauluke more urataine mam paki kito edanikene.

⁸ Don maineka ra edanikene paki, nei eje don qotkoine mane misuk raikei, don yewano n̄abakopṅone qomene kitopoke gamuo biraongi, eje n̄enane don mane qotkoine mi mageu paki raikei.

Qelit Mama Ejane Don

⁹ Qelit mama eje ware ware kopene ejane añaene tewekeu paki, urata kine kine korop maineka mawareu, ware ware kopene eje detpi menageake, eje donine turuñine misuk maingekei.

¹⁰ Me eñano ñine kobu kine kine mane misuk maikei, kobu maikei wane turuñine yemo eje naso bañem maineka okanikei so bororom gekei. Yale okanbi, ejane tanik manik mayakatne okane maine yewaño tebakaki, Anutu ñenane Mapi Mapitze, ejane don kito ñidan okanmaine, ejane enet binjek ma wieake.

Ñene Libeka Ge More Kristo Wane Naso Yewa Tomakaikene

¹¹ Anutuño ñei ñerep korop menanjenane raki paki, ñebu sese ñoniakane numa mo ma wakonge.

¹² Sese ñonge, yewaño kito ñedanmaike, yemo ñene gege borikine so kepe wane masi tanik qotkoine, yewa qeliñka warekene, paki, ñene detluke more numa koboboine gesoke ari, Anutu wane masi tanik yewa mogare kepe iwa wane kutno naso iwao gekene.

¹³ Naso suaine mosopineroop kaikenane wetke tomaka gemaine, ñenane Suaine Anutu so Mapi Mapikze Yesu Kristo wane qeli ewe zonom bañ wakoniake.

¹⁴ Eje ñenane raki paki, gegeine qikka ñebonge, borikine kine kine korop yewao ñine makok ñongi paki, ñebuki ñei ñerep libe qe more eñine bonepine okane eweke more masi tanik maineka okangenane, yale okanñonge.

¹⁵ Don ea korop kito edanikene, paki donjone togogoleka edane ma togole onikene, so donjone desikei, yewa ra wetonikene. Qeliŋ onnom eŋano ŋine manenjo ge misuk yuangane geu ket biraganiake.

3

Asu Wanoŋine Wako Wakon Musele Wakongone

¹ Ge ŋei ŋerep magukopŋone don ge wirike eŋane ware ware so ŋei waom eweene kitou paki, aŋaene teweke more kine kine maine yewaka eweke okanikei.

² Edannom, eŋe ŋei mane don qotkoine misuk olasikei. Mida. Eŋe ŋei peamine so kima kima gekei. Paki naso banem ŋei korop eŋane kaitko wet peserop bororom gege yewa sikanonikei.

³ Nene nedom atak mane wet qelaŋ okane, aŋa bira wira okangone paki, sot korop okangone. Nene yale okanjem paki, bailalaŋ kine kine ea wane qelit qeŋe okane more, qomze qiseki solazane simileka detkone. Nene gegeze korop dere worik so wetŋo ŋei natne eŋane aboŋ kine kineenane bailalaŋ oka okan, ŋei eŋe nene naba ŋonbi, nene eŋe naba onjem, yewa wano matali onwarekone.

⁴ No Anutu ŋenane Mapi Mapikze eŋane kima kima so wet maepŋo yemo ŋenano lotkeke.

⁵ Eŋe nene nebu seseŋone eŋino biraŋonge, yemo nene nedom koboboine ge more, urata mane maine makonane midakaka, ŋo yemo eŋine qomine rarainane nebu seseŋone saukŋongi, Asu

Koboboineŋo wako wakon musele so gege musele ŋebonge.

⁶ Anutuŋo Yesu Kristo ŋenane Mapi Mapikze oŋo ŋebu more eŋino biranonge, eŋane raki paki, Asu Koboboine zok manerop qe watŋonge.

⁷ Eŋine qomine raraine ŋene biranongi, Anuturop koboine ge more sari gege togon wane biŋek okane, ea wane dereret gekenane, yale okanŋonge.

Don Wele Midaine Nadekaikene

⁸ Don iwa yemo welekatne, ge sorin borin okane, don yewa korop togoleka ra edanikene, paki ŋei Anutu malipka okanmami, eŋe maine togole okora wetene iwaoka more, urata wele korop maine maikei, so ea okanbi, ŋei ŋerep korop mauluk on okanmaike.

⁹ No qelan don wane aŋa soran au au, ŋosa ŋabo eŋane eŋet tego kirorine mit mit sorin nagu sorin nagu, so Israel wane Rara Togon don wane kawali qeŋe, yewa yemo ge ŋadek kaikene, yewa yemo mi oka okane so wele midaine.

¹⁰ ŋei maneŋo qepok mapok okangi, ge girem don atak weku me etke olatnom mi detkiso, yemo girem don koso manerop misuk olasikene, qelin kanom eŋineka geake.

¹¹ Ge detmaine, ŋei yaline eŋe numa mo qeyauke, eso eŋane borikineine mo qe wakonmaike, yemo eŋe sot korop.

Don Qoiqoine

¹² Na talekawe Artemis me Tikikusŋo geŋano uyakeo, ge mayakatne Nikopolis yewao sari

marat nanikene, onoka wane na koya naso mat yewao gekalane ramaile.

¹³ Ge masuluke more rara togon don wane kine dereret nei, Zenas so Apolos ere arikeik wane, qesiñ otnom numaetne kiekeik, so osikene ere kine kine korop sola so wet maep wane ñaṅaemamik, yewa mo korop mawarekeik.

¹⁴ Nei ñerewekopze ebunom, eñe kito qesiñ oka okan wane kine detlukeu paki, urata maine maikai, paki sola wane qesi qesiñ zua zuaṅ wako- niake, rokop kito qesiñ okanbi, miti eñe welerop okaniake, eñe gege wele midaine misuk gekei.

¹⁵ Nei ñerep narop gemami, eñe koropño “kaiwe maine” rau geṅano umaike. Nenane “kaiwe maine” ramaine, yewa kimakopze mali malip korop gemami, eñe ebonikene.

Anutu wane Mosopño ñinano korop pawareake.

Waom Yesu Wane Sigi Maep Don
The New Testament in the Ono Language of Papua
New Guinea

Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963